

պարտ է նա ցուցանել թէ յուժեքէ ստացաւ և որում պատճառի եմուտ 'ի ձեռն իւր:

### Գ Լ Ո Ւ Ն Մ Կ Բ.

Մէջ ամենայն քաղաքաց քանիս դրունս որ իցէ, և քանիս փողոցս որ իցէ բոլորն անուանեսցի յատուկ անուամբ, փողոցք և դրունք որ ոք մտանելոյ և որ ոք ելանելոյ, եթէ հեծեալ և եթէ հետևակ, որ միշտ ընթացք նոցայ գտցի մի 'ի յետուստ միուսի որ ոչ ոք հանդիման միմեանց, և 'ի դրունս քաղաքի յերեսս երկրի եթէ 'ի դաշտի և եթէ ուր և իցէ ամենայն երթ և գալացող թէ հեծեալ թէ հետևակ հանդիպելոյ միմեանց երկու կողմանց պարտ լիցի դառնալ առ աջ թև զի բացցի ձախ թև ձանապարհ անցանելոյ ընդ միմեանց, այլ դամենայն զոր ոք 'ի ընթացս իւր ընդ դէմ 'ի վեր ասացելոյս եթէ գտցի վնաս յուժեքէ ծնեցեալ 'ի պատճառէ յանդգնութեան նա հատուցանել պարտ է վնասն վնասեալ առն:

### Գ Լ Ո Ւ Ն Մ Կ Գ.

Ոչ ոք կարէ բեկանել հատանել ճուղ, միրզ և թուփ մի ծառոյ այլոց, բայց Տեառն իւր:

### Գ Լ Ո Ւ Ն Մ Կ Դ.

Ոչ ոք կարէ քաղել փայտ 'ի անտառէ այլոց, բայց 'ի անտառէ իւրմէ գնեցեալ կամ 'ի